

# **Samningur**

## **mennta- og menningarmálaráðuneytis við Lókal leiklistarhátíð ehf. um ráðstöfun styrktarframlags**

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Lókal leiklistarhátíð ehf., kt. 640506-2100, í samningi þessum nefnt hátiðin, gera með sér svofelldan samning.

### **1. Markmið og starfsemi**

1.1. Meginmarkmið með samningi þessum eru að:

- styðja við Lókal alþjóðlega leiklistarhátíð
- efla tengsl við alþjóðlegt leiklistarlíf
- að mæta þörfum sviðslistafólks á Íslandi, stuðla að því að það geti starfað á breiðari grundvelli en áður og að atvinnustarfsemi í sviðslistum eflist þar með.

1.2. Starfsemi

- Lókal skipuleggur á hverju ári alþjóðlega leiklistarhátíð í Reykjavík. Hátíðin stendur einnig fyrir vinnustofum fyrir erlenda og innlenda listamenn, hefur náið samstarf við Listaháskóla Íslands og samstarf við Listasafnið á Akureyri um gjörningahátíðina A!.

### **2. Forsendur samnings og lagaheimildir**

2.1. Framlag ráðuneytisins til samnings þessa ræðst af fjárveitingum sem eru ákveðnar á grundvelli fjárheimilda í fjárlögum hvers árs og er fjárveitingin 3 m.kr. árið 2016. Gert er ráð fyrir sömu upphæð fyrir árin 2017 og 2018.

2.2. Ráðuneytið annast samskipti aðila vegna samningsins við fjármála- og efnahagsráðuneyti, sbr. 1. mgr. 21. gr. laga nr. 123/2015 um opinber fjármál, og við Alþingi. Það mun leggja til við fjárlagagerð að árlegt framlag til samningsins út samningstímann verði í samræmi við gr. 2.1 með fyrirvara um að hátiðin standi við skuldbindingar sínar. Framlög ríkisins skv. samningnum eru með fyrirvara um fjárheimildir til málefnavsviðs 18 Menning og listir í fjármálaáætlun og fjárlögum og aðhaldsaðgerða sem stjórnvöld kunna að ákveða í kjölfar samþykktar fjárlaga. Hátíðin á ekki kröfu á ríkissjóð eða rétt á bótum þótt framlag til samningsins verði lækkað eða fellt niður.

2.3. Lókal leiklistarhátíð ehf. starfar samkvæmt skipulagsskrá sem var samþykkt 10. maí 2006.

2.4. Hátíðin starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

### **3. Ábyrgð**

- 3.1. Hátíðin ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. Hátíðin skal geta lagt fram gögn og skýrslur þessu til staðfestingar, sé eftir því leitað.
- 3.2. Hátíðin ber ábyrgð á skuldbindingum sem hún eða aðilar á hennar vegum stofna til í tengslum við samning þennan.
- 3.3. Hátíðinni er óheimilt að:
  - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
  - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

### **4. Upplýsingar, samskipti og eftirlit vegna fjármála**

- 4.1. Ráðuneytið greiðir álegt framlag í fjórum jöfnum greiðslum, 1. febrúar, 1. apríl, 1. júlí og 1. september. Greitt er inn á bankareikning í viðskiptabanka hátíðinnar.
- 4.2. Hátíðin skilar ráðuneytinu:
  - 4.2.1. Áætlun um rekstur og efnahag ásamt starfsáætlun, þar sem fram komi m.a. hvernig er áætlað að ráðstafa framlaginu og helstu starfsmarkmið sem unnið verður að, fyrir lok janúar ár hvert.
  - 4.2.2. Endurskoðuðum ársreikningi ársins á undan með skýringum, fyrir lok júní ár hvert og skal afrit jafnframt sent Ríkisendurskoðun.
- 4.3. Eigi hátíðin í viðskiptum við lögaðila sem hún á eignarhluta í eða er í eigu fjárhagslegra tengdra aðila svo sem stjórnenda hennar, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

### **5. Upplýsingar , samskipti og eftirlit vegna verkefna**

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og hátíðin funda að lágmarki árlega um samninginn.
- 5.3. Fyrir lok júní ár hvert skilar hátíðin ráðuneytinu greinargerð um framkvæmd samningsins þar sem fram komi meðal annars hver staða verkefna er og hvernig framlagi var ráðstafað í samanburði við áætlun.
- 5.4. Hátíðin skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. Hátíðin veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálf eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.
- 5.6. Samning þennan, ársreikning hátíðarinnar greinargerð um framkvæmd samnings og úttektarskýrslur skal birta á vef hátíðarinnar jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.7. Hátíðin setur á vefsíðu sína ýmis gögn sem eru efnislegar afurðir starfsemi hennar, svo sem skýrslur, leiðbeiningar og áætlanir.

## **6. Vanefndir og meðferð ágreinings**

- 6.1. Hátíðin tilkynnir ráðuneytinu tafarlaus ef talinn er vafi leika á að það geti uppfyllt skyldur samkvæmt samningnum. Jafnframt er greint frá úrræðum sem hún hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli hátíðin ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.


## **7. Gildistími og lok samnings**

- 7.1. Samningurinn gildir fyrir árið 2016 og til 31. desember 2018.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
- 7.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.4. Samningur þessi er gerður í tveimur samhljóða eintökum og heldur hvor aðili eintaki.

Reykjavík 22. desember 2016

  
Kári Þórunnarsdóttir

F.h. mennta- og menningarmálaráðuneytis

  
F.h. Lókal leiklistarhátiðar ehf.